



## საქართველოს პარლამენტის თავმჯდომარე

თბილისი 0118, რუსთაველის გამზირი № 8, საქართველოს პარლამენტის სასახლე

### ბ რ ძ ა ნ ე ბ ა

1/131/26

02-06-2026

#### საზოგადოებრივი მაუწყებლის სამეურვეო საბჭოს წევრობის – მეურვეობის კანდიდატების შესარჩევი ღია კონკურსის გამოცხადების შესახებ

„მაუწყებლობის შესახებ“ საქართველოს კანონის 24-ე მუხლის პირველი–  
მე-4 პუნქტებისა და საქართველოს პარლამენტის რეგლამენტის 21-ე მუხლის მე-2  
პუნქტის „ლ“ და „ხ“ ქვეპუნქტებისა და მე-200 მუხლის პირველი, მე-2 და მე-5  
პუნქტების შესაბამისად:

1. გამოცხადდეს საზოგადოებრივი მაუწყებლის სამეურვეო საბჭოს  
წევრობის – მეურვეობის 3 კანდიდატის შესარჩევი ღია კონკურსი.

2. მეურვეობის კანდიდატი უნდა იყოს საქართველოს მოქალაქე,  
საზოგადოებრივი აღიარებისა და ნდობის მქონე პირი. მას უნდა ჰქონდეს  
მაგისტრის ან მასთან გათანაბრებული აკადემიური ხარისხი და არანაკლებ 10 წლის  
მუშაობის გამოცდილება, მათ შორის, სულ ცოტა 5 წლისა – ჟურნალისტიკის,  
ადამიანის უფლებათა დაცვის, საფინანსო, ელექტრონული კომუნიკაციების,  
სახელოვნებო, სამწერლო ან/და სამეცნიერო-პედაგოგიურ სფეროში.

3. ყველას აქვს უფლება, წარადგინოს მეურვეობის კანდიდატი. მეურვეობის  
კანდიდატთა წარდგენის თაობაზე განაცხადები წარდგენილ იქნეს 2026 წლის 8  
ივნისის ჩათვლით.

4. მეურვეობის კანდიდატთა წარდგენის თაობაზე განაცხადები შეიტანება  
საქართველოს პარლამენტის თავმჯდომარის სახელზე, წერილობით შემდეგ  
მისამართზე: ქალაქი თბილისი, რუსთაველის გამზირი №8 ან ელექტრონული  
ფოსტის მისამართზე: [contact@parliament.ge](mailto:contact@parliament.ge).

5. მეურვეობის კანდიდატის წარდგენის თაობაზე განაცხადს თან უნდა  
ერთოდეს:

- ა) კანდიდატის საქართველოს მოქალაქის პირადობის მოწმობის/პასპორტის  
ასლი;
- ბ) კანდიდატის CV;
- გ) კანდიდატის მიერ მაგისტრის ან მასთან გათანაბრებული აკადემიური

ხარისხის მიღების დამადასტურებელი დოკუმენტის ასლი;

დ) იმ დოკუმენტის ასლი, რომელიც ადასტურებს კანდიდატის არანაკლებ 10 წლის მუშაობის გამოცდილებას, მათ შორის, სულ ცოტა 5 წლისა – ჟურნალისტიკის, ადამიანის უფლებათა დაცვის, საფინანსო, ელექტრონული კომუნიკაციების, სახელოვნებო, სამწერლო ან/და სამეცნიერო-პედაგოგიურ სფეროში;

ე) საზოგადოებრივი მაუწყებლის განვითარების კონცეფცია.

6. ბრძანება საჯაროდ გამოცხადდეს 2026 წლის 2 ივნისს და ძალაში შევიდეს საჯაროდ გამოცხადებისთანავე.

7. ბრძანება შეიძლება გასაჩივრდეს კანონით დადგენილი წესით საჯაროდ გამოცხადების დღიდან 1 თვის ვადაში თბილისის საქალაქო სასამართლოში (მისამართი: ქალაქი თბილისი, დავით აღმაშენებლის ხეივანი №64).

პარლამენტის თავმჯდომარე  
შალვა პაპუაშვილი

